

鐵崖先生集

詩

四

鐵崖先生集

全四冊
一函

北京市中國書店刷印

北京市新華書店發行

定價五十八元

鐵龍詩集

己集

雲山圖為鳳凰山人題是日偕陸宅之會於
德彰千戶水竹居山人時年八十二

油油白雲宛宛青山念彼道人遨遊其間亦有芝草
可采可餐再瞻高風邈不可攀

陳希夷畫像

宮中夜未央百鳥未為長能悟邯鄲道仙鄉只醉鄉

東山携妓圖

謝安劉夫人帷諸妓作樂太傅暫見便下
帷太傅索開夫人云恐傷盛德

老傅挾青娥山靈不敢訶夜深歸來晚困嫖人多

漁翁圖

畫幅剪淞江桃花水自香
四腮鱸正美何必釣雙璜
雙女投壺圖

大婉連珠箭驚穿兩耳空
小嬌能中的一笑啓天公
月梅

天上清虛府人間香影家
阿剛斫桂斧只合種梅花
雨竹

倚石添新笋爭妍箇箇添佳人
聽春雨笑隔水晶簾
風竹二首

聲動琅玕樹寒生翡翠林
道人深夢底一夜玉龍吟
夢醒湘筠簟寒生翡翠簾
東風嫌太惡吹折玉龍尖

晴竹

渭水秋聲動湘臯暮色歸西池今夜月清影鳳飛飛

雨竹二首

娟娟兩娥綠蒼梧雲正深欲問斑斑淚思君豈有心
秋落蒼梧冷雲深帝子迷只應枝上雨尚帶淚痕啼

雪竹

南雪一尺深寒生翡翠林道人起清聽寫作老龍吟

秋江晚渡圖

船泊大江口行人與馬爭不如漁艇子高臥待潮平

雪山圖

老石蹲鹽席寒崖擁玉屏酒船清興極相見在茅亭

詠海棠

貯得黃金屋，羞將錦障圍。
好春風日足，睡熟太真妃。

詠石榴花

密幄千重碧，踈巾一撚紅。
花時隨早晚，不必嫁春風。

秋鴈圖

野水江湖遠，秋風蘆葉黃。
南飛舊兄弟，一一自成行。

金人馬圖

草滿鴛鴦浦，花明鳩鵲樓。
錦韉初搭上，何處作春遊。

春景人物亭院畫圖

六言

楊柳東風裊裊桃，花流水差差曳杖先生奚往抱。

童子何之。

織錦圖二首

秋深未寄衣，絡緯上寒機。
斷織曾相戒，夫君不用歸。
蠶婦奉姑嫜，鳴機不下堂。
金梭拋擲處，折齒謝家郎。

題用上人山水圖三首

樹頭丹葉脫，水痕霜降初。
三高亭下路，最憶好鱸魚。
萬樹水光底，千峰雲氣中。
散人釣魚去，江上一絲風。
坡陀六七尺，喬木兩三章。
大廈欲傾覆，南山老棟梁。

題清味齋圖三首

日供惟三韭，春盤共五辛。
與君評肉食，食肉正愁人。
我無食肉相，蔬笋味相宜。
請續冰壺傳，同參玉版師。
首指吾素味，肉食汝何謀。
未必先生案，無關饑食憂。

題蘇昌齡集芳圖

松竹蘭水仙共幅

睠彼蒼官托交青土嗟爾水仙亦配君子地位不同
氣味則似

題米芾小景

煙霞林梢出蒼翠望中分山溜雜人語溪雲亂鶴羣
石梁逢釋子巖屋隱徵君皴散誰家筆披圖有篆文

散七迹反皮細也米元章有皴散畫法

雙燕圖

誰家雙燕燕曉語出雕梁舊主幾回見新雛還自將
漲溝香水膩佛殿水風涼欲問烏衣國烏衣幾夕陽

題扇寄謝生

樵風溪上路還是若耶非水通河漢出山作鳳凰飛
人煙天際出蓮女月中歸清秋詩句好祇憶謝玄暉

留題毗山松風竹月圖

蕩舟北郭外華表見新亭水作游龍勢山為偃月形
怪松蟠水赤高竹上山青一束生芻意千秋地下靈
題邊魯生梨花雙燕圖

燕燕兩于飛瑤樓暮雨微春風歌白雪夜月夢烏衣
對語寄宮樹營巢接禁闈江南花事晚疑是苦思歸

送李五峯先生召著作

季和

聖主徵遺逸郎星老謫仙青山藏古史金馬得時賢
吾道推先路恩光照晚年宣文忙視草銀燭賜金蓮

題唐本初春還軒

東風開戶牖旭日照書床宿草俄生夢寒花盡向陽
野騎停西觀瑤琴上北堂主人曾送客折柳記橫塘

鐵史

詠女史十八首

李夫人

李延年歌北方有佳人事

金屋君王獨有情
少翁魂魄夜將燈
可堪一死甌猶
烈身釁胡塵到李陵

鉤弋夫人

漢武帝宮人生昭帝者

婕妤未換母儀尊
聞說君王已寡恩
太子宮中無木
偶可無鞠域到堯門

伏生女

伏生年九十餘以女口授尚書

老子當時無女雛秦灰安得見全書中郎有女能傳業傳得胡笳業不如

班婕妤

前漢成帝宮人

長門不用買多才紈扇炎涼善自裁五鬼一言能悟主秋風愁殺望思臺

趙昭儀

前漢成帝后

通仙門裏春晝長侍兒新攏試蘭湯君王空散黃金餅不見宮中赤鳳凰

王皇后

前漢元帝后

沙麓鍾靈六百年存劉一璽忍輕捐老天有意母天
下黃霧如何塞九天

賈南風

西晉惠帝后

識暗鳴蛙苦不夫簾箱下取洛城奴宮中得子如司
馬豈特瑯琊犢換駒

綠珠

石崇以珠三斛買梁氏女

百斛明珠價莫加高樓投壁壁無瑕臨春不死臙脂

井又逐降王上檻車

馮小憐

北齊穆后愛衰侍婢馮小憐大幸

前山較獵御同車一笑平陽等戰蝸
挽得后衣纔上馬琵琶又入代王家

獨孤后

隋文帝后

別宅猶容駕短轅獨孤苦以妬
虧賢他時崔婦生家
既晉邨安娘寵自專

武后

武后

忠良壯刈若薊蕘乳帟蒼鷹積滿朝可是唐臣無杜
伯危心只忌六宮貓

楊太真

唐玄宗妃

萬花叢裏澤初承紫磨金搖不自勝義髻早知無死
所不如生不負青陵

王凝妻李氏

唐王凝字叔怙王通弟

山店孤兒背面啼玉腕一解軟如泥當時義勇能相
敵木葉山中亦有妻

張建封盱眙

唐張建封郎制武寧納妓盱眙於燕子樓

公薨不他適

塚上白楊今十年樓頭燕子尚流連銅臺多少丁寧恨誰向西陵望墓田

韓蘄王夫人

宋韓世忠妻

巫家卜偶不為嫌優女占夫事更堅看取異時真畏友九重書上議黃天

宋度宗女嬪

一曲歌雲玉樹秋小嬪端解替人愁葉妃只解傷春泣之死如何恤緯憂

青峯廟王氏

天台王氏宋末兵虜主刦之青峯洞夜嚙
血啼詩投水而死比胡笳則優律之巴陵
則劣矣余因過此見陳長卿詩因美之遂
題於石壁上長卿詩云寧死標名不願存
潔身入水凜貞魂青峯嶺上題詩句猶沁
當時血指痕鐵史詩曰

介馬馱來百里程青峯後夜血書成只應劉阮桃花
水不似巴陵漢水清

巴陵女子韓魏公九世孫嫁尚書之子璠北兵入鄂自書古詩

於帛溺死
事見後集

女貞木楊氏